

鬼神集說


□ 13
3103



4 5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 5 6

口 13
3103

門 13
3103



古田文庫



鬼神集說序

嘉慶九年歲次壬午四月鬼神集說成

晦菴朱先生說鬼神之義至矣盡矣往
年擇出於文集語類之中而爲一冊題
曰鬼神集說以資朋友講習之思議焉
真西山有言曰鬼神之理雖非始學者
所易窮然亦須識其名義若以神示鬼
三字言之則天之神曰神以其造化神
妙不測也

地之神曰示

以其山川艸木有形可見顯然示人也示古祇字

人之神曰鬼

鬼謂氣之已屈者也

若以鬼神二字言之則神者氣之伸

發出收同

鬼者氣之屈

氣之方伸者屬陽故爲神氣之屈者屬

陰故爲鬼神者伸也鬼者歸也且以人

之身論之生則曰人死則曰鬼此生死

之大分也然自其生而_死言之則自幼而

壯此氣之伸也自壯而老自老而死此又伸而屈也自其死而言之則魂遊魄降寂無形兆此氣之屈也及子孫享祀以誠感之則又能來格此又屈而伸也姑舉人鬼一端如此至若造化之鬼神則山澤水火雷風是也日與電皆火也月與雨亦水也此數者合而言之又只

是陰陽二氣而已陰陽二氣流行於天地之間萬物賴之以生賴之以成此卽所謂鬼神也

氣之伸爲神如春夏生長是也氣之屈爲鬼如秋冬

歛藏是也今人只以塑像畫像爲鬼神及以

幽暗不可見者爲鬼神殊不知山峙川

流日照雨潤雷動風散乃分明有迹之

鬼神

日出爲神入爲鬼雨潤爲神雷動爲神息爲鬼風散爲神收

爲鬼伊川曰鬼神者造化之迹又曰鬼神
天地之功用橫渠曰鬼神二氣之良能
凡此皆指陰陽而言天地之氣卽人身
之氣人身之氣卽天地之氣又有言曰
易繫辭曰精氣爲物遊魂爲變人之生
也精與氣合而已精者血之類是滋養
一身者故屬陰氣是能知覺運動者故

屬陽二者合而爲人精卽魄也目之所以明耳之所以聰者卽精之爲也此之謂魄氣充乎體凡人心之能思慮有知識身之能舉動與夫勇決敢爲者卽氣之所爲也此之謂魂人之少壯也血氣強故魂魄盛此所謂伸及其老也血氣既耗魂魄亦衰此所謂屈也既死則魂

升于天以從陽魄降于地以從陰所謂各從其類也魂魄合則生離則死故先王制祭享之禮使爲人子孫者盡誠致敬以燭肅之屬求之於陽灌鬯之屬求之於陰求之旣至則魂魄雖離而可以復合故禮記曰合鬼與神教之至也神指魂而言鬼指魄而言此所謂屈而伸

也此說尤詳明能得先生之意者也因今表章而冠諸集說之首遂付梓人刻之以與四方之學者共之云爾

元祿己巳孟春下浣

佐藤直方謹識

鬼神集說

理有明未盡處如何得意誠且如鬼神事今是有是無因說張仲隆曾至金沙堤見巨人迹此是如何楊謂刪子說并人傳說皆不可信須是親見楊平答見刪子上并人說得滿頭滿耳只是都不曾自見先生曰只是公不曾見畢竟其理如何南軒亦只是硬不信有時戲說一二如禹鼎鑄魑魅魍魎之屬便是有這物深山大澤是彼所居處人往占之豈不爲祟邵先生語程先生世間有一般不有不無底人馬程難之謂鞍轡之類何處得如邵意則是亦以爲有之邵又言蜥蜴造雹程言雹有大者彼豈能爲之豫章嘗有一劉道人嘗居一山頂結菴一日衆蜥蜴入來如

手臂大不怕人人以手撫之盡吃菴中水少頃菴外皆堆成雹明日山下果有雹此則是閒字上所載有一妻伯劉文致兄其人甚樸實不能妄語云嘗過一嶺稍晚了急行忽聞谿邊林中響甚往看之乃無止蜥蜴在林中各把一物如水晶看了本未數里下雹此理又不知如何造化若用此物爲雹則造化亦小矣又南劍劉德喻嘗爲一人言嘗至餘杭大滌山中常有龍骨人往來取之未入山洞見一陣青烟出少頃一陣火出少頃一龍出一鬼隨後大段盡人事見得破方是不然不信中有一點疑在終不得又如前生後生死復爲人之說亦須要見得破又云南軒拆廟次第亦未到此須是使民知信末稍無疑始得不

然民倚神爲主拆了轉使民信向怨望舊有一邑泥塑一大佛一方尊信之後被一無狀宗子斷其首民聚哭之頸上泥木出舍利泥木豈有此物只是人心所致先生謂一僧云問龍行雨如何曰不是龍口中吐出只是龍行時便有雨隨之劉禹錫亦嘗言有人在一高山上見山下雷神龍鬼之類行雨此等之類無限實要見得破問敬鬼神而遠之則亦是言有但當敬而遠之自盡其道便不相關曰聖人便說只是如此嘗以此問李先生曰此處不須理會先生因曰蜥蜴爲雹亦有如此者非是雹必要此物爲之也

語類三

○因論薛士龍家見鬼曰世之信鬼神者皆謂實有

下同

在天地間其不信者，斷然以爲無。鬼然卻又有真箇見者。鄭景望遂以薛氏所見爲實理。不知此特虹霓之類耳必大因問虹霓只是氣還有形質。曰既不能愛水亦必有腸肚只纔散便無了。如雷部神物亦此類○鄭說有人寤寐間見鬼通刺甚驗者。日如此則是不有不無底紙筆。

○問伯有之事別是一理。如何曰是別是一理人之所以病而終盡則其氣散矣。或遭刑或忽然而死者氣猶聚而未散然亦終於一散。釋道所以自私其身者便死時亦只是留其身不得終是不甘心死。脚冤憤者亦然故其氣皆不散。浦城山中有一道人常在山中燒丹後因一日出神乃祝其人云七日不返時

可燒我未滿七日其人焚之後其道人歸呼罵取身亦能於壁間寫字但是墨較淡不久又無楊嘗聞張天覺有一事亦然鄧隱峯一事亦然其人只管討身隱峯云說底是甚麼其人悟謝之而卒

○伯有爲厲之事自是一理謂非生歟之常理。人死則氣散理之常也。他卻用物宏取精多族大而彌久故其氣未散耳

○問世俗所謂物怪神姦之說則如何。斷曰世俗本抵十分有八分是胡說二分亦有此理多有是非命死者或溺死或殺死或暴病卒死是他氣未盡故憑依如此又有是乍死後氣未消盡是他當初稟得氣盛故如此然終久亦消了蓋精與氣合便生人物游

魂爲變，便無了。如人說神仙，皆不見。只是說後來神仙，如左傳伯有爲厲。此鬼今亦不見。問自家道理，正則自不能相干。日亦須是氣能配義。始得。若氣不能配義，便餒了。六十

○問：外生有無之說，人多惑之。曰：不須如此。疑且佞性無主張。因問：識環記井之事，古復有此何也？曰：此又別有說話。三下同

○論及請紫姑神吟詩之事，曰：亦有請得正身，出見其家小女子見，不知此是何物。且如衢州有一箇人事，一箇神只錄所問事，自於紙而封之。祠前少間開封，而紙中自有答語。這箇不知是如何。

○問：嘗問紫姑神，云云曰：是我心中有故應。得應不

得者，是心中亦不知曲折也。

○鬼神憑依言語，乃是依憑人之精神以發。問伊川記金山事，如何？曰：乃此婢子想出。問：今人家多有恆者？曰：此乃魑魅魍魎之爲。建州有一士人行遇一人，只有一腳。問某人家安在，與之同行見一腳者入某人家，數日其家果死一子。

○雨風露雷日月晝夜，此鬼神之迹也。此是白日公平正直之鬼神。若所謂有嘴子，梁觸于胸，此則所謂不正邪暗。或有或無，或大或來，或聚或散者，又有所謂禱之，而應祈之，而獲此，亦所謂鬼神同一理也。世間萬事，皆此理。但精粗小大之不同爾。又曰：以功用，謂之鬼神，卽此便見。

○問道理有正則有邪，有是則有非。鬼神之事亦然。世間有不正之鬼神，謂其無此理，則不可。曰老子謂以道蒞天下者其鬼不神。若是王道脩明，則此等不正之氣都消鑠了。

○論及巫人治鬼而鬼亦效巫人所爲以斂之者，曰後世人之心姦詐之甚，感得姦詐之氣，做得鬼也。姦巧因說神恠事，曰人心平鋪著便好，若做弄便有鬼恠出來。

○商人求諸陽，故尚聲；周人求諸陰，故尚臭。灌用鬱鬯，然周人亦求諸陽。如太司樂言，圜鍾爲宮，則天神可得，而禮可見。古人察得義理，精微用得樂，便與他相感格。此迺降神之樂，如舞雲門，乃是獻神之樂。苟

予謂伯牙鼓琴而六馬仰秣，瓠巴鼓瑟而流魚出聽，粗者亦有此理。又如虞美人艸，聞人謌，虞美人詞與吳詞，則自動。雖艸木亦如此。又曰：今有箇新立底神廟，緣衆人心邪向他，他便盛如狄仁傑，廢了許多廟，亦不能爲害，只緣他見得無。這物事了，上蔡云：可者欲入致生之，故其鬼神不可者，欲入致死之，故其鬼神不可。

先生每見人說世俗神廟可恠事，必問其處形勢如何。

○八十七

○答王子合書曰：謝氏致生致死之說亦是，且借此字以明。當祭與不當祭之意，致生之者如事死，如事生，事亡如事存，是也。致死之者如絕地夫通，廢撤淫祀之類是也。若於所當祭者疑其有，又疑其無，則誠意不至矣。是不得不致生之也。於所不當祭者，疑其

無，又疑其有，則不能無恐懼畏怯矣。是不得不致死之也。此意與檀弓論明器處，自不相害。如鬼神二字，或以一氣消息而言，或以二氣陰陽而言。說處雖不同，然其理則一而已矣。人以爲神，便是致生之；以爲不神，便是致死之。然此兩句獨看，卻有病。須連上文，看可與不可兩字方見道理。實處不是私意造作。若不然，即是應觀法界一切唯心造之說矣。

文集四十
九下同

○又曰：細看前書諸說，謝氏之言太槩得之。若以本文上下考之，卽誠不免有病。乃若其意，則所謂致生之者，卽是人以爲神致死之者，卽是人以爲不神之意耳。天神地示人鬼，只是一理。亦只是一氣中庸所云，未嘗分別人鬼。不在內也。人鬼固是終歸於盡。然

誠意所格便如在其上下左右，豈可謂祀典所載不謂是耶？奇恠不測，皆人心自爲之。固是如此。然亦須辨得是合有合無。若都不分別，則又只是一切唯心造之說。而古今小說所載鬼恠事，皆爲有實矣。此又不可不察也。

○問履帝武敏曰：此亦不知其何如，但詩中有此語。自歐公不信祥瑞，故後人纔見說祥瑞，皆闢之。若如後世所謂祥瑞，固多僞妄。然豈可因後世之僞妄，而併真實者，皆以爲無乎？鳳鳥不至河不出圖，孔子之言不成，亦以爲非。下同

○時舉說履帝武敏，欲以介攸止處，曰：履巨跡之事，有此理。且如契之生，詩中亦云天命玄鳥降而生商。

蓋以爲穆契皆天生之耳非有人道之感非可以常理論也漢高祖之生亦類此此等不可以言盡當意會之可也

○問玄鳥詩吞卵事亦有此否曰當時恁地說必是有此今不可以聞見不及定其爲必無

○問先生解文王陟降在帝左右文王既沒精神上與天合看來聖人稟得清明純粹之氣其生也既有以異於人則其散也其死與天爲一則其聚也其精神上與天合一陟一降在帝左右此又別是一理與衆人不同曰理是如此若道真有箇文王上上下下則不可若道詩人只胡亂恁地說也不可

○問下武詩三后在天先生解云在天言其既沒而

精神上合于天此是如何曰便是又有此理用之云恐只是此理上合于天耳曰既有此理便有此氣或曰想是聖人稟得清明純粹之氣故其死也其氣上合于天曰也是如此這事又微妙難說要人自看得世間道理有正當易見者又有變化無常不可窺測者如此方看得這箇道理活又如文王陟降在帝左右如今若說文王真箇在上帝之左右真箇有箇上帝如世間所塑之像固不可然聖人如此說便是有此理如周公金縢中乃立壇壝一節分明是對鬼若爾三主是有不子之責于天以旦代某之身此一段先儒都解錯了只有晁以道說得好他解不子之責如史傳中責其侍子之責蓋云上帝責三主之侍

予侍子指武王也上帝責其來服事左右故周公乞代其死云以旦代某之身言三王若有侍子之責于天則不如以我代之我多才多藝能事上帝武王不若我多才多藝不能事鬼神不如且畱他在世上定儒之子孫與四方之民文意如此伊川卻疑周公不應自說多才多藝不是如此他只是要代武王之死爾

○林聞一問周公代武王之死不知亦有此理否曰聖人爲之亦須有此理

下同

○高宗夢傅說據此則是真有箇天命與高宗對答曰吾賚汝以良弼今人但以主宰說帝謂無形象恐也不得若如世間所謂至皇太帝恐亦不可畢竟此

理如何學者皆莫能答

○夢之事只說到感應處高宗夢帝賚良弼之事必是夢中有帝賚之說之類只是夢中事說是帝真賚不得說無此事只是天理亦不得

○蔡邕問書所謂降衷曰古之聖賢才說出便是這般話成湯當放桀之初便說惟皇上上帝降衷于下民若有常性克綏厥猷惟后武主伐紂時便說惟天地萬物父母惟人萬物之靈亶聰明伶元后伶民父母傅說告高宗便說明主奉若天道建邦設都樹后王君公承以大夫師長不惟逸豫惟以亂民惟天聰明惟聖時憲見古聖賢朝夕只見那天在眼前

○董叔重問盤庚言其先王與其羣臣之祖父若有

眞物在其上降災降罰與之周旋從事於日用之間者銖竊謂此亦大槩言理之所在質諸鬼神無疑爾而殷俗尚鬼故以其淡信者導之夫豈亦真有一物耶乞賜垂誨曰鬼神之理聖人蓋難言之謂真有一物固不可謂非真有一物亦不可若未能曉然見得且闕之可也

文集五十一

○鬼神外生之理定不如釋家所云世俗所見然又有其事昭昭不可以理推者此等處且莫要理會

三下同

○因說鬼神曰鬼神事自是第一著那箇無形影是難理會底未消太理會且就日用緊切處做工夫子曰未能事人焉能事鬼未知生焉知死此說盡了此

了

便是合理會底理會得將間鬼神自有見處若合理會底不理會只管太理會沒緊要底將間都沒理會了

○天下大底事自有箇大底根本小底事亦自有箇緊切處若見得天下亦無甚事如鬼神之事聖賢說得甚分明只將禮熟讀便見二程初不說無鬼神但無如今世俗所謂鬼神耳古來聖人所制祭祀皆是他見得天地之理如此

○廣云今愚民於村落杜撰立一神祠合衆以禱之其神便靈曰可知衆心之所輻湊處便自暖故便有一箇靈底道理所以祭神多用血肉者蓋要得藉他之生氣耳聞蜀中灌口廟一年嘗殺數萬頭羊州府

亦賴此一項稅羊錢用，又如古人釁鍾釁龜之意，皆是如此。廣云人心聚處便有神，故古人郊則天神格廟，則人鬼享亦是此理。曰固是，但古人之意正，故其神亦正。後世人心先不正了，故所感無由得正。因言古入祭山川，只是設壇位以祭之，祭時便有祭了，便無故不亵瀆。後世卻先立箇廟貌，如此所以反致惑亂人心，倅求非望，無所不至。廣因言今日淫祠之非禮與釋氏之所以能服鬼神之類，曰：人心苟正，表裏洞達，無纖毫私意，可以對越上帝，則鬼神焉得不服？故曰思慮未起，鬼神莫知。又曰：一心定而鬼神服。十八

七下

○或問今人聚數百人，大祭廟，必有些影響是如何

曰：衆心輻湊處，這些便熱。又問：郊焉而天神假廟焉，而人鬼享如何？曰：古時祭祀都是正，無許多邪誕。古人只臨時爲壇，以祭此心發處，則彼以氣感，纔了便散。今人不合做許多神像，只兀兀在這裏坐，又有許多夫妻子母之屬。如今神道必有一名，謂之張太保李太保，甚可笑。

○或問鬼神體物而不可遺，只是就陰陽上說。未後又卻以祭祀言之，是如何？曰：此是就其親切著見者言之。若不如此說，則人必將風雷山澤做一般鬼神，看將廟中祭享者，又做一般鬼神，看故卽其親切著見者言之，欲人會之爲一也。六十一

○董仁叔問堯薦舜於天，曰：只是要付他事，看天命。

如何，又問百神享之，曰：只陰陽和風雨時便是百神享之。下同

五十八

○問百神享之，云如祈晴得晴，祈雨得雨之類。
○陳安卿問小學載庾黔婁父病，每夕擊鑼北辰求以身代，而全文此下更云數日而愈。果有此應之之理否？若果有應之之理，則恐是父子一氣此精誠所極。則彼既餒之氣因復爲之充盛？否抑此適遭其偶然而實非關於禱實無轉天爲壽，轉禍爲福之理？人子於此雖知其無應之之理，而又卻實行其禮，則恐心迹不相似。曰：禱是正禮，自合有應。不可謂知其無是理而姑爲之。文集五十七

○王祥孝感只是誠發於此物，感於彼或以爲內感。

或以爲自誠中來，皆不然。王祥自是王祥魚，自是魚今人論理，只要包含一箇渾淪底意思，雖是直截兩物，亦須袞合說。正不必如此世間事，雖千頭萬緒，其實只一箇道理，理一分殊之謂也。到感通處，自然首尾相應，或自此發出而感於外，或自外來而感於我，皆一理也。

語類百三十六

○問王祥孝感事，伊川說如何？程先生多有此處是要說物我一同，然孝是王祥魚，是水中物，不可不別如說感應，亦只言已感，不須言物。

九十一

○問聖人凡言鬼神，皆只是以理之屈伸者言也。至言鬼神禍福凶吉等事，亦只是以理言，蓋人與鬼神天地同一理，而理則無有不善人能順理，則吉逆。

理則凶於其禍福亦然豈謂天地鬼神一一下降於人哉如書稱天道福善禍淫易言鬼神害盈而福謙亦只是這意思祭義宰我曰吾聞鬼神之名不知其所謂孔子曰神也者氣之盛也魄也者鬼之盛也又曰衆生必死死必歸土是之謂鬼骨肉斃於下陰爲野土其氣發揚於上爲昭明烹蒿悽愴百物之精神之著也魄既歸土此則不問其曰氣曰精曰昭明又似有物矣既只是理則安得有所謂氣與昭明者哉及觀禮運論祭祀則曰以嘉魂魄是謂合莫註謂莫無也又曰上通無莫此說又似與祭義不合曰如子所論是無鬼神也鬼神固是以理言然亦不可謂無氣所以先王祭祀或以燔燎或以饗鬯以其有氣故

以類未之爾至如禍福吉凶之事則子言是也八十
○鬼神只是氣屈伸往來者氣也天地間無非氣人之氣與天地之氣常相接無間斷人自不見人心才動必達於氣便與這屈伸往來者相感通如卜筮之類皆是心自有此物只說爾心上事才動必應也三下同

○問鬼神便只是此氣否曰又是這氣裏面神靈相似

○或問以主宰謂之帝孰爲主宰曰自有主宰蓋天是箇至剛至陽之物自然如此運轉不息所以如此必有爲之主宰者這樣處要人自見得非言語所能盡也因舉莊子孰綱維是孰主張是十數句曰他也

見得這道理

六十一

○問天道福善禍淫此理定否曰如何不定自是道理當如此賞善罰惡亦是理當如此不如此便是失其常理又問或有不如此者何也曰福善禍淫其常理也若不如此便是天也犯捉不定又曰天莫之爲而爲他亦何嘗有意只是理自如此且如冬寒夏熱此是常理當如此若冬熱夏寒便是失其常理又問失其常者皆人事有以致之耶抑偶然耶曰也是人事有以致之也有是偶然如此時又曰大底物事也不_會變如日月只是小小底物事會變如冬寒夏熱之類徑_{一山}嘗_{六十七月}大雪○七十九

○問生死鬼神之理

明倫錄云問鬼神生死雖知得是下理然未見得端的曰精氣

爲物遊魂爲變便是生死底道理未達曰精氣一則爲人散則爲鬼又問精氣疑時此理便附在氣上否曰天道流行發育萬物有理而後有氣雖是一時都有畢竟以理爲主人得之以有生明倫錄云然清者爲氣濁者爲質明倫錄云清者氣之爲也形體骨肉皮毛陰之爲也氣曰魂體曰魄高誘淮南子註曰魂者陽之神魄者陰之神所謂神者以其注乎形氣也人所以生精氣聚也人只有許多氣須有箇盡時明倫錄云醫家所謂盡則魂氣歸于天形魄歸于地而死矣人將死時熱氣上出所謂魂升也下體游冷所謂魄降也此所以有生必有死有始必有終也夫聚散者氣也若理則只泊在氣上初不是凝結自爲一物但人分上所合當然者便是理不

可以聚散言也然人死雖終歸於散然亦未便散盡故祭祀有感格之理先祖世次遠者氣之有無不可知然奉祭祀者既是他子孫畢竟只是一氣所以有感通之理然已散者不復聚釋氏卻謂人死爲鬼鬼復爲人如此則天地間常只是許多人來來去去更不由造化生生必無此理至如伯有爲厲伊川謂別是一般道理蓋其人氣未當盡而強死自是能爲厲予產爲之立後使有所歸遂不爲厲亦可謂知鬼神之情狀矣問伊川言鬼神造化之迹此豈亦造化之迹乎曰皆是也若論正理則似樹上忽生山華葉此便是造化之迹又如空中忽然有雷霆風雨皆是也但人所常見故不之恠忽聞鬼嘯鬼火之屬則便以

爲恠不知此亦造化之迹但不是正理故爲恠異如家語云山之恠曰夔魍魎水之恠曰龍罔象土之恠犧羊皆是氣之雜揉乖戾所生亦非理之所無也專以爲無則不可如冬寒夏熱此理之正也有時忽然夏寒冬熱豈可謂無此理但既非理之常便謂之恠孔子所以不語學者亦未須理會也賜錄云問世之不審有無如何世間人見者極多豈可謂無但非正與耳如伊川有爲厲伊川謂別是一理蓋其人氣未嘗盡而強死魂魄無所歸自是如此苟有人在淮上夜行見下無數形像似人非人穿斗穴出沒于兩水之間久之纏纏不絕此人明知其鬼不得已躍跳之衝之而過之下卻無礙然亦無他詢之此地乃筭入戰場也彼皆死于非命即冤抱恨固宜未散○三

○安卿問禮記魂氣歸於天與橫渠反原之說何以別曰魂氣歸于天是消散了正如火煙騰上究本處何

歸_也只是消散了論理大槩固如此然亦有_下死而未遽散者亦有寃恨而未散者然亦不皆如此亦有寃死而魂卽散者叔器問聖人死如何曰聖人安於死死卽消散_{八十}

○或問二氣五行聚則生散則死聚則不能不散知書_之不能不夜故知所以生則知所以死苟於事人之道未能盡焉能事鬼哉曰不須論鬼爲已死之物但事人須是誠敬事鬼亦要如此事入如出則事公卿入則事父兄事其所當事者事鬼亦然苟非其鬼而事之則詭矣_{三十九下同}

○或問季路問鬼神章曰世間無有聚而不敢散而不聚之物聚時是這模樣則散時也是這模樣若道

孔子說與子路又不全與他說若道不說又也只是忘地

○問伊川謂死生入鬼一而二二而一是兼氣與理言之否曰有是理則有是氣有此氣則有是理氣則二理則一

○正卿問原始反終故知死生之說曰人未死如何知得死之說只是原其始之理將後面摺轉來看便見得以此之有知彼之無_{七十四下同}

○問尹氏解遊魂一句爲鬼神如何曰此只是聚散聚而爲物者神也散而爲變者鬼也鬼神便有陰陽之分只於屈伸往來觀之橫渠說精自無而有遊魂自有而無其說亦分曉然精屬陰氣屬陽然又自有

錯綜底道理然就一人之身將來橫看生便帶著箇
死底道理人身雖是屬陽而體魄便屬陰又卻是此
氣便亦屬陽蓋死則魂氣上升而魄形下降古人說
祖落二字極有義理便是謂魂魄祖者魂升于天落
者魄降于地只就人身便亦是鬼神如祭祀求諸陽
便是求其魂求諸陰便是求其魄祭義中宰我問鬼
神一段說得好註解得亦好

○問其氣發揚於上爲昭明烹蒿悽愴曰此是陰陽
乍離之際鬱鬱如有所見有這箇聲氣昭明烹蒿是
氣之升騰悽愴是感傷之意八十七下同

○問其氣發揚於上爲昭明烹蒿悽愴曰昭明是所
謂光景者想像其如此烹蒿是騰升底氣象悽愴是

能令人感動模樣墟墓之間未施哀而民哀是也洋洋平如在其上如在其左右正謂此

○問洋洋如在其上如在其左右似亦是感格意思
是自然如是曰固是然亦須自家有以感之始得上
下章自恁地說忽然中間挿入一段鬼神在這裏也是
是鶩飛魚躍底意思所以末稍只說微之顯誠之不
肯捨他如此六十三下同

○或問鬼神者造化之跡曰風雨霜露四時代謝又
問此是迹可得而見又曰視之不可得見聽之不可
得聞何也曰說道無又有說道有又無物之生成非
鬼神而何然又去那裏見得鬼神至於洋洋乎如在
其上是又有也其氣發揚于上爲昭明烹蒿悽愴猶

今時惡氣中入，使得人恐懼慄愴，此百物之精爽也。
○才卿問來，而伸者爲神往，而屈者爲鬼。凡陰陽魂魄，人之噓吸皆然。不獨死人爲鬼，生者爲神。故橫渠云：神祇者歸之始，歸往者來之終。曰此二句正，如俗語罵鬼云爾。是已外，我我^云是未^云爾。楚詞中說終古亦是此義。去終古之所之兮今逍遙而來東用之云矣靈魂之欲歸兮何須臾而忘反用之云既屈之中恐，又自有屈伸。曰祭祀致得鬼神來格，便是就既屈之氣，又能伸也。問魂氣則能既屈而伸。若祭祀來格，是也。若魄既死，恐不能復伸矣。日也能伸。蓋他來則俱來，如祭祀報魂報魄求之四方上下，便是皆有感格之理。用之間遊魂爲變，聖愚皆一否。曰然。問天神地祇人鬼地何以曰祇。曰祇字只是

示字，蓋天垂三辰，以著象，如日月星辰是也。地亦顯艸木山川，以示人。所以曰地示，用之云人之禱。天地山川是以我之有感，彼之有子孫之祭。先祖是以我之有感，他之無。曰神祇之氣常屈伸，而不已。人鬼之氣則消散而無餘矣。其消散亦有久遠之異。人有不伏其死，者所以既死而此氣不散爲妖爲恠，如人之內死及僧道既死多不散。僧道務養精神，所以凝聚不散。若聖賢則安于死，豈有不散而爲神恠者乎？如黃帝堯舜不聞其既死而爲靈恠也。嘗見輔漢卿說，某人死其氣溫溫然熏蒸滿室，數日不散。是他氣盛，所以如此。劉元城死時，風雷轟于正寢，雲霧晦冥少頃，辨色而公已端坐薨矣。他是甚麼樣氣魄，用之曰莫，是元城忠誠。

感動天地之氣否曰只是元城之氣自散爾他養得此氣剛大所以散時如此祭義云其氣發揚于上爲昭明烹蒿悽愴此百物之精也此數句說盡了人死時其魂氣發揚于上昭明是入死時自有一般光景烹蒿卽前所謂溫溫之氣也悽愴是一般肅然之氣令人懷愴如漢武帝時神君來則風肅然是也此皆萬物之精既死而散也

淳錄云問其氣發揚于上何盡則只管騰上去如火之煙這下百薪盡則煙只管騰上去○三

○問以功用謂之鬼神以妙用謂之神曰鬼神者有屈伸往來之迹如寒來暑往日往月來春生夏長秋收冬藏皆鬼神之功用此皆可見也忽然而來忽然而往方如此又如彼使人不可測知鬼神之妙用也

六十一

叔器問先生前說日爲神夜爲鬼所以鬼夜出如何曰間有然者亦不能皆然夜屬陰旦如妖鳥皆陰類皆是夜鳴

三下同

○人生初間是先有氣既成形是魄在先形既生矣神發知矣既有形後方有精神知覺子產曰人生始化曰魄既生魄陽曰魄數句說得好

○安卿問體與魂有分別如耳目是體聰明便是魄曰魂者氣之神魄者體之神淮南子註謂魂陽神也魄陰神也此語說得好安卿問心之精爽是謂魂魄曰只是此意又問人生始化曰魄如何是始化曰是胎中初略略成形時

六十一

○問孔子答宰我鬼神一段鄭註云氣謂噓吸出入者也耳目之聰明爲魂竊謂人之精神知覺與夫運用云爲皆是神但氣是充盛發於外者故謂之神之盛四肢九竅與夫精血之類皆是魄但耳自能視能聽而精明故謂之鬼之盛曰是如此這箇只是就身上說又曰燈似魂鏡似魄燈有光焰物來便燒鏡雖照見只在裏面又火日外影金水內影火日是魂金水是魄又曰運用動於底是魂不運用動於底是魄又曰動是魂靜是魄八十七_{下同}

○問氣也者神之盛也魄也者鬼之盛也豈非以氣魄未足爲鬼神氣魄之盛者乃爲鬼神否曰非也大凡說鬼神皆是通生死而言此言盛者則是指生人

身上而言所以後而說骨肉斃於下陰爲野土但說體不說魄也問頃聞先生言耳目之精明者爲魄口鼻之噓吸者爲魂以此語是而未盡耳目之所以能精明者爲魄口鼻之所以能噓吸者爲魂是否曰然看來魄有箇物事形象在裏面恐如水晶相似所以發出來爲耳目之精明且如月其黑暉是魄也其光是魂也想見人身魂魄也是如此人生時魂魄相交歟則離而各散去魄爲陽而散上魄爲陰而降下又曰陰主藏受陽主運用凡能記憶皆魄之所藏受也至於運用發出來是魄這兩箇物事本不相離他能記憶底是魄然發出來底便是魄能知覺底是魄然知覺發出來底又是魄雖各自分屬陰陽然陰陽中

又各自有陰陽也或曰大率魄屬形體魂屬精神日精又是魄神又是魂又曰魄盛則耳目聰明能記憶所以老人多目昏耳曠記事不得便是魄衰而少也老子云載營魄是以魂守魄蓋魂熱而魄冷魄動而魄靜能以魂守魄則魂以所守而亦靜魄以魂而有生意魂之熱而生涼魄之冷而生暖惟二者不相離故其陽不燥其陰不滯而得其和矣不然則魂愈動而魄愈靜魂愈熱而魄愈冷二者相離則不得其和而死矣又云水一也火二也以魂載魄以二守一則水火固濟而不相離所以能永生也養生家說盡千言萬語說龍說虎說鈔說汞說坎說離其術止是如此而已故云載魄抱魂能勿離乎專氣致柔能如嬰

兒乎今之道家只是馳騁於外安識所謂載魄守一能力離乎

問陽魂爲神陰魄爲鬼祭義日氣也者神之盛也魄也者鬼之盛也而鄭氏曰氣虛吸出入者也耳目之聰明爲魄然則陰陽未可言鬼神陰陽之靈乃鬼神也如何曰魄者形之神魂者氣之神魄是形氣之精英謂之靈故張子曰二氣之良能二氣卽陰陽處良能是其靈問眼體也眼之光爲魄耳體也何以爲耳之魄曰能聽者便是如鼻之知臭舌之知味皆是但不可以知字爲魄纔說知便是主於心也心但能知若甘苦鹹淡要從舌上過如老人耳重目昏便是魄漸要散潘問魄附於體氣附於魂可於如此看否曰也不是

附魂魄是形氣之精英

○問魂魄曰氣質是實底魂魄是半虛半實底鬼神是虛分數多實分數少底三

○廣問中庸或問取鄭氏說云口鼻之噓吸者爲魂耳目之精明者爲魄先生謂此蓋指血氣之類言之口鼻之噓吸是以氣言之耳目之精明是以血言之目之精明以血言可也耳之精明何故亦以血言曰醫家以耳屬腎精血盛則聽聰精血耗則耳聰矣氣爲魄血爲魄故骨肉歸於地陰爲野土若夫魂氣則無不之也廣云是以易中說遊魂爲變曰易中又卻只說一邊精氣爲物精氣聚則成物精氣散則氣爲魄精爲魄魂升爲神魄降爲鬼易只說那升者廣曰

如祖落之義則是兼言之曰然

八十

○先儒言口鼻之噓吸爲魂耳目之聰明爲魄也只說得太槩卻更有箇母子這便是坎離水火煅氣便是魂冷氣便是魄魂便是氣之神魄便是精之神龕思量計度底便是魂會記當去底便是魄又曰見于目而明耳而聰者是魄之用老氏云載營魄營是晶熒之義魄是一個晶光堅凝物事釋氏之地水火風其說云人之外也風火先散則不能爲祟蓋魂先散而魄尚存只是消磨未盡少間自塌瓦墮地水先散而風火尚遲則能爲祟蓋魂氣猶存又曰無魂則魄不能以自存今人多思慮役魂都與魄相離了老氏便只要守得相合所謂致虛極守靜篤全然守

在這裡不得動，又曰專氣致柔，不是字，卻是專字

便只是專在此，全不放出氣，便細若放些子出，便粗了

同三下

○因言魂魄鬼神之說，曰只今生人便自一半是神，一半是鬼。了但未死以前，則神爲主已。死之後，則鬼爲主。縱橫在這裡，以屈伸往來之氣言之，則來者爲神去者爲鬼。以人身言之，則氣爲神，而精爲鬼。然其屈伸往來也，各以漸。

○萇弘死三年而化爲碧，此所謂魄也。如虎威之類，弘以忠死，故其氣凝結如此。

○問在天地爲鬼神，在人爲魂魄否？曰死則謂之魂魄，生則謂之精氣。天地公共底謂之鬼神，是恁地模

樣

六十三

○問魄守體有所知否？曰耳目聰明爲魄，安得謂無知？問然則人之死也，魂升魄降，是兩處有知覺否？曰

孔子分明言答鬼與神，教之至也。當祭之時，求諸陽，又求諸陰，正爲此。況祭亦有報魄之說。

○說鬼神舉明道有無之說，因斷之曰：有若是無時，古人不如是。求七日戒，三日齊，或求諸陽，或求諸陰，須是見得有如天子祭，天地定是有箇天，有箇地，諸侯祭境內名山太川，定是有箇名山太川。太夫祭五祀，定是有箇門行戶，竈中雷，今廟宇有靈底，亦是山川之氣會聚，處久之，被人掘鑿損壞，於是不復有靈，亦是這些氣過了。

三下

○汪德輔問祖考精神便是自家精神故齊戒祭祀則祖考來格若祭旁親及子亦是一氣猶可推也至於祭妻及外親則其精神非親之精神矣豈於此但以心感之而不以氣乎曰但所祭者其精神魂魄無不感通蓋本從一源中流出初無間隔雖天地山川鬼神亦然也

○問人祭祖先是已之精神去聚彼之精神可以合聚蓋爲自家精神便是祖考精神故能如此諸侯祭國內之主與自家不相關然而也呼喚得他聚蓋爲天地之氣便是他氣底母就這母上聚他故亦可以感通曰此謂無主後者祭時乃可以感動若有主後者祭時又也不感通用之日若理不相關則聚不得

得他若理相關則方可聚得他曰是如此又曰若是因國也感他不得蓋爲他元是這國之主自家今主他國土地他無主後合是自家祭他便可感通

○問天地山川是有箇物事則祭之其神可致人死氣已散如何致之曰只是一氣如子孫有箇氣在此畢竟是因何有此其所自來蓋自厥初生民氣化之祖相傳到此只是此氣問祭先賢先聖如何曰有功德在人人自當報之古人祀五帝只是如此

○因言鬼神有無聖人未嘗缺言之如言之死而致死之不仁之死而致生之不知於彼乎於此乎之類與明道語上蔡恐賢問某尋之意同問五廟七廟遷遷之制恐是世代浸遠精爽消亡故廟有遷殿日雖

是如此然祭祀求諸陰求諸陽此氣依舊在如虛吸之則又來若不如此則是之外而致外之也蓋其子孫未絕此氣接續亦未絕又曰天神地祇山川之神不難曉惟人已死其事杳茫所以難說○六十三下同

○或問顏子死而不亡之說先生既非之矣然聖人制祭祀之禮所以事鬼神者恐不止謂但有此理須有實事曰若是見理明者自能知之明道所謂若以爲無古人因甚如此說若以爲有又恐賢問甚尋其說甚當

○祭祀之感格或求之陰或求之陽各從其類來則俱來然非有一物積空虛之中以待子孫之求也但主祭祀者既是他一氣之流傳則盡其誠敬感格之

時此氣固寓此也三

○答王子合書曰幽滯之魄終歸於盡以此論伯有爲厲之事則可矣然亦須兼魂魄而言不可專指幽陰也若論魂魄之正則便只是陰陽元非他物若天地之陰陽無窮則人物之魂魄無盡所以誠意所格有感必通尤不得專以陰滯未散終歸於盡爲說矣

文集四十九

語類三下同

○問死者精神既散必須生人祭祀盡誠以聚之方

能凝聚若相奪予享事如伊川所謂別是一理否曰他夢如此不知是如何或是他有這念便有這夢也

不可知

語類三下同

○問死者魂氣既散而立主以主之亦須聚得些子

氣在這裏否。曰：古人自始死弔魂，復魄立重設主，便是常要接續他些子精神，在這裡古者釀龜用牲血，便是覺見那龜久後不靈了，又用些子生氣去接續他。

○問謝氏謂祖考精神便是自家精神如何。曰：此句已是說得好。祖孫只一氣極其誠敬，自然相感。如這大樹有種子下地，生出又成樹，便即是那大樹也。六同三下

○淳因舉謝氏歸根之說，先生曰：歸根本老氏語畢竟無歸這箇何曾動問性只是天地之性當初亦不是自彼來入此，亦不是自此往歸。彼只是因氣之聚散見其如此耳。曰：畢竟是無歸如月影映在這盆水。

裏除了這盆水，這影便無了。豈是這影飛上天去歸那月裏去，又如這孽落便無了。豈是歸去那裏明半復來生。這枝上問人死時，這知覺便散，否曰：不是散。是盡了氣盡，則知覺亦盡。

○問人之外也不知魂魄便散，否曰：固是散。又問子孫祭祀，卻有感格者如何。曰：畢竟是子孫是祖先之氣，他氣雖散，他根卻在這裏，盡其誠敬，則亦能呼召得他氣聚在此。如水波樣，後水非前水，後波非前波，然卻通。只是一水波子，孫之氣與祖先之氣亦是如此。他那箇當下自散了然，他根卻在這裡，根既在此，又卻能引聚得他那氣在此。此事難說，只要人自看得。

○安卿問人於其親始死則復其魂魄又爲重爲主節次莫祭所以聚其精神使之不散若親死而其子幼稚或在他鄉不得盡其萃聚之事不知後日祭祀還更萃得他否曰自家精神自在這裏下同吳破遺
○用之云祭祀之禮酒肴豐潔必誠必敬所以望神之降臨乃歆嚮其飲食也若立之戶則爲戶者既已享其飲食鬼神豈復來享之如此卻爲不誠矣曰此所以爲盡其誠也蓋子孫既是祖宗相傳一氣下來氣類固已感格而其語言飲食若其祖考之在焉則有以慰其孝子順孫之思而非恍惚無形想象不及之可比矣古人用戶之意所以深遠而盡誠蓋爲是再今人祭祀但能盡誠其祖考猶來格況旣是他親

子孫則其來格也益遠矣因言今世鬼神之附著生人而說話者甚多亦有禪先降神于其子孫者又如今之師巫亦有降神者蓋皆其氣類之相感所以神附著之也周禮祭墓則以墓人爲戶亦是此意

○問人死氣散是無蹤影亦無鬼神今人祭祀從何而求之曰如子祭祖先以氣類而求以我之氣感召便是祖先之氣故祭之如在此感通之理也味道又問子之於祖先固是如此若祭其他鬼神則如之何有來享之意否曰子之於祖先固有顯然不易之理若祭其他亦祭其所當祭祭如在祭神如神在如天子則祭天是其當祭亦有氣類烏得而不來歆乎諸侯祭社稷故今祭社亦是從氣類而祭烏得而不來

歎乎今祭孔子必於學其氣類亦可想

三下同

○或問鬼神日且類聚前輩說鬼神處看要須自理會得且如祭天地祖考直是求之冥漠然祖考卻去入未久求之似易先生又笑曰如此說又是作忙了也

○問祭天地山川而用牲幣酒醴者只是表吾心之誠耶抑真有氣來格也日若道無物來享時自家祭甚底肅然在上令人奉承敬畏是甚物若道真有零車擁從而來又妄誕

○問性即是理不可以聚散而言聚而生散而死者氣而已所謂精神魂魄有知有覺者氣也故聚則有散則無若理則亘古今常存不復有聚散消長也日

只是這箇天地陰陽之氣人與萬物皆得之氣聚則爲人散則爲鬼然其氣雖已散這箇天地陰陽之理生生而不窮祖考之精神魂魄雖已散而子孫之精神魂魄自有小相屬故祭祀之禮盡其誠敬便可以致得祖考之魂魄這箇自是難說看既散後一似都無了能盡其誠敬便有感格亦緣是理常只在這裡也

○用之間先生答廖子晦書云氣之已散者既化而無有矣而根於理而日生者則固浩然而無窮也故上蔡謂我之精神卽祖考之精神蓋謂此也問根于理而日生者浩然而無窮此是說天地氣化之氣否曰此氣只一般周禮所謂天神地示今鬼雖有三樣

其實只一般若說有子孫底引得他氣來則不成無子孫底他氣便絕無了他血氣雖不流傳他那箇亦自浩然日生無窮如禮書諸侯因國之祭祭其國之無主後者如齊太公封於齊便用祭甚爽鳩氏季荀逢伯陵蒲姑氏之屬蓋他先主此國來禮合祭他然聖人制禮惟繼其國者則合祭之非在其國者便不當祭便是理合如此道理合如此便有此氣如晉侯夢康叔云相奪予饗蓋晉後都帝丘夏后相亦都帝丘則都其國自合當祭不祭宜其如此又如晉侯夢薰熊入寢門以爲鯀之神亦是此類不成說有子孫底方有感格之理便使其無子孫其氣亦未嘗亡也如今祭勾芒他便是遠然既合當祭他便有些氣要

孚通天地人只是這一氣所以說洋洋然如在其上如在其中左右虛空偏塞無非此理要人自看得活難以言曉也所以明道答人鬼神之間云要與賢說無何故聖人卻說有要與賢說有賢又來問某討說只說到這裡要人自看得孔子曰未能事人焉能事鬼而今且去理會緊要道理少間看得道理通時自然曉得上蔡所說已足煞分曉了

○問鬼神以祭祀而言天地山川之屬分明是一氣流通而兼以理言之人之先祖則大槩以理爲主而亦兼以氣魄言之若上古聖賢則只是專以理言之否曰有是理必有是氣不可分說都是理都是氣那箇不是理那箇不是氣問上古聖賢所謂氣者只是

天地間，今其之氣若祖考精神，則畢竟是自家精神。否曰：祖考亦只是此今其之氣。此身在天地間，便是理與氣凝聚底。天子統攝天地，負荷天地間事，與天地相關。此心便與天地相通，不可道。他是虛氣與我，不相干。如諸侯不當祭天地，與天地不相關，便不能相通。聖賢道在萬世，功在萬世。今行聖賢之道，傳聖賢之心，便是負荷這物事。此氣便與他相通。如釋奠列許多，邊豆設許多禮儀，不成是無此姑謾爲之人。家子孫負荷祖宗許多基業，此心便與祖考之心相通。祭義所謂春禘秋嘗者，亦以春陽來，則神亦來。秋陽退，則神亦退。故於是時而設祭，初間聖人亦只是略爲禮，以達吾之誠意。後來遂加詳密。

○陳後之間祖宗，是天地間一箇統氣。因子孫祭享而聚散，曰：這便是上蔡所謂若要。有時便有，若要無時，便無是。皆由乎人矣。鬼神是本有底，物事祖宗亦只是同此一氣。但有箇總腦處，子孫這身在此。祖宗之氣便在此。他是有箇血脉貫通，所以神不歆非類，民不祀非族。只爲這氣不相關。如天子祭天地，諸侯祭山川，大夫祭五祀，雖不是我祖宗然。天子者天下之主，諸侯者山川之主。大夫者五祀之主。我主得他，便是他氣又總統在我身上。如此便有箇相關處。

○答連嵩卿書曰：所謂天地之性，卽我之性。豈有亥而遽亡之理？此說亦未爲非，但不知爲此說者，以天地爲主耶？以我爲主耶？若以天地爲主，則此性卽自

是天地間一箇公共道理更無人物彼此之間外生
古今之別雖曰死而不亡然非有我之得私矣若以
我爲主則只是於自己身上認得一箇精神魂魄有
知有覺之物卽便目爲己性把持作弄到死不肯放
舍謂之死而不亡是乃私意之尤者尚何足與語外
生之說性命之理哉釋氏之學本是如此今其徒之
黠者往往自知其陋而稍諱之却去上頭別說一般
玄妙道理雖若混濛不可致詰然其歸宿實不外此
若果如此則是一箇天地性中別有若干人物之性
每性各有界限不相交雜改名換姓自生自死更不
由天地陰陽造化而爲天地陰陽者亦無所施其造
化矣是豈有此理乎

文集四十一

○答廖子晦書曰外生之論向來奉答所諭知生事
入之間已發其端而近答嵩卿書論之尤詳意明者
一讀當已洞然無疑矣而來書之諭尚復如此雖其
連類引義若無津涯然尋其大指則皆不出前此兩
書所論之中也豈未嘗以鄙說思之直以舊聞爲
生平旣承不鄙又不得不有以奉報幸試思之蓋賢
者之見所以不能無失者正坐以我爲主以覺爲性
爾夫性者理而已矣乾坤變化萬物受命雖所稟之
在我然其理則非有我之所得私也所謂反身而誠
蓋謂盡其所得乎己之理則知天下萬物之理初不
外此非謂盡得我此知覺則衆人之知覺皆是此物
也性只是理不可以聚散言其聚而生散而死者氣

而已矣所謂精神魂魄有知有覺者皆氣之所爲也故聚則有散則無若理則初不爲聚散而有無也但有是理則有是氣苟氣聚乎此則其理亦命乎此耳不得以水滙比也鬼神便是精神魂魄程子所謂天地之功用造化之迹張子所謂二氣之良能皆非性之謂也故祭祀之禮以類而感以類而應若性則又豈有類之可言耶然氣之已散者既化而無有矣其根於理而日生者則固浩然而無窮也故上蔡謂我之精神卽祖考之精神蓋謂此也然聖人之制祭祀也設主立尸燔蕭灌鬯或求之陰或求之陽無所不用其極而猶止曰庶或享之而已其至誠惻怛精微恍惚之意蓋有聖人所不欲言者非可以世俗麤淺

知見執一而求也豈曰一受其成形則此性遂爲吾有雖死而猶不滅截然自爲一物藏乎寂然一體之中以俟夫予孫之求而時出以饗之耶必如此說則其界限之廣狹安頓之處所必有可指言者且自開闢以來積至于今其重併積疊計已無地之可容矣是又安有此理耶且乾坤造化如太洪爐人物生生無少休息是乃所謂實然之理不憂其斷滅也今乃以一片太虛寂目之而反認人物已歟之知覺謂之實然之理豈不誤哉又聖賢所謂歸全安歟者亦曰無失其所受乎天之理則可以無愧而歟耳非以爲實有一物可奉持而歸之然後吾之不斷不滅者得以晏然安處乎冥漠之中也夭壽不貳修身以俟之

是乃無所爲而然者與異端爲生死事大無常迅速然後學者正不可同日而語今乃混而言之以彼之見爲此之說所以爲說愈多而愈不合也

四十

○吳伯豐問鬼神之義來教云只思上蔡祖考精神便是自家精神一句則可見其苗脈矣必大嘗因書以問正淳正淳答云祖考是有底人便是有此理爲予孫者能以祖考之遺體致其誠敬以饗之則所謂來格者蓋真有此理也然必大嘗讀太極圖義有云人物之始以氣化而生者也氣聚成形則形交氣感遂以形化而人物生生變化無窮是知人物在天地間其生生不窮者固理也其聚而生散而死者則氣也有是理則有是氣氣聚於此則其理亦命於此今

所謂氣者既已化而無有矣則所謂理者抑於何而寓耶然吾之此身卽祖考之遺體祖考之所具以爲祖考者蓋具於我而未嘗亡也是其魂升魄降雖已化而無有然理之根於彼者既無止息氣之具於我者復無間斷吾能致精竭誠以求之此氣既純一而無所雜則此理自昭著而不可掩此其苗脈之較然可賜者也上蔡云三日齋七日戒求諸陰陽上下只是要集自家精神蓋我之精神卽祖考之精神在我者旣集即是祖考之來格也然古人於祭祀必立之尸其義精甚蓋又是因祖考遺體以凝聚祖考之氣氣與質合則其散者庶乎復聚此教之至也故曰神不敢非類民不祀非族必大前書所疑今日之來格

者非前日之發揚于上者固非是矣而正淳之說言
理而不及氣若於存亡聚散之故察之不密則所謂
以類而爲感應者益混濛而不可識矣故再此仰瀆
尊聽欲望更賜一言以釋所蔽不勝萬幸日所愈鬼
神之說甚精密叔權書中亦說得正當詳悉大抵人
之氣傳於子孫猶木之氣傳於實也此實之傳不泯
則其生木雖枯毀無餘而氣之在此者猶自若也此
等處但就實事推之反復玩味自見意味真實深長
推說太多恐反成汨沒也正淳所論誠爲疎略然恐
辭或未盡其意耳五十一

壽文堂刊行

鬼神集說終

理而不及氣。若於石上聚散之故，發之不審則所見以類而爲感應者，必與殊而不可識矣。故以此仲尼尊聽，欲聖更賜一言以釋所蔽，不勝萬幸。日所會鬼神之說，惟精密故體書中亦說得正當詳悉。大抵人之氣傳於子孫，猶木之氣傳於實也。此實之傳，不死用其生木雖枯瘦無餘而氣之在此者，猶自若也。此等處但就實事推之，反復玩味，自見意味與實復元推說，入多恐及，成相沒也。正淳所論，誠爲疎略，然恐辭或未盡其意耳。

鬼神集說

壽文堂刊行

